

七十二家集

謝康樂集卷之二

宋陳郡謝靈運客兒著

明閩漳張 燮紹和纂

賦

撰征賦

蓋聞昏明殊位貞晦異道雖景度回革亂多治
寡是故升平難於恒運剝喪易以橫流皇晉受
命河汾來遷吳楚數歷九世年踰十紀西秦無
一援之望東周有三辱之憤可爲積禍纏繫固

以父美冠乃陵塋幽翳情敬莫遂日月推薄帝
心彌遠慶靈將升時來不爽相國宋公得一居
貞回乾運軸內匡寰表外清遐阨每以區宇未
統側席盈慮值天祚攸興昧弱授機龜筮元謀
符瑞景徵於是仰祗俯協順天從兆興止戈之
師躬暫勞之討以義熙十有二年五月丁酉敬
戒九伐申命六軍治兵于京畿次師于汧上靈
檣千艘雷輜萬乘羽騎盈塗飛旂蔽日別命羣
帥誨謨惠策法奇於三略義祕於六韜所以鉤

棘未曜殞前禽於金墉威張始轂走鍛隼於滑
臺曾不踰月二方獻捷宏功懋德獨絕古今天
子感東山之劬勞慶格天之光大明發興於鑒
寐使臣遵于原隰余攝官承乏謬充殊役皇華
愧於先雅靡鹽額於征人以仲冬就行分春反
命塗經九守路踰千里沿江亂淮遡薄泗汭詳
觀城邑周覽丘墳眷言古迹其懷已多昔皇祖
作藩受命淮徐道固苞桑勲由仁積年月多歷
市朝已改未爲洪業纏懷清歷於是采訪故老

尋履往迹而遠感深慨痛心殞涕遂寫集聞見
作賦撰西征俾事運遷謝託此不朽其詞曰

系烈山之洪緒承火正之明光立熙載於唐后
申讚事於周王疇庸命而順位錫寶珪以徵疆
歷尚代而平顯降中葉以繁昌業服道而德徽
風行世而化揚投前蹤以永冀省輜質以達傷
朕謀始于菁蔡達用舍於行藏庇常雲之罔棄
憑曲成之不遺昭在闕而偕照賞彌久而愈私
顧晚草之薄弱仰青春之歲隳引蔓頽於松上

擢纖枝於蘭茝施隆貸而有溼報涓塵而無期
歡太階之休明穆皇道之緝熙惟王建國辨方
定隅內外旣正華夷有殊惟昔小雅逮于班書
戎蠻孔熾是殛是誅所以宣王用棘於獫狁高
帝方事於匈奴然侵鎬至涇自塞及平闕郊伺
鄙慕慕攜王之矯虔階喪亂之未寧竊
強秦之三輔陷隆周之兩京雄嶠澠以制險據
繞霽而作扃家未懷於故壤國願言於先塋俟
太平之曠期屬應運之聖明坤寄通於四瀆乾

假照於三辰水潤土以顯比火炎天而同人惟
上相之叡哲當草昧而經綸總九流以貞觀協
五才而平分時來之機悟先於介石納隍之誠
一援於生民龜筮允臧人鬼同情順天行誅司
典詳刑樹牙選徒秉鉞抗旂脈矢罄楚孝之心
智戈棘單吳子之精靈迅三翼以魚麗襄兩服
以鴈逝陣未列於都甸威已振於秦薊灑嚴霜
於渭城被和風於洛汭就終古以比猷考墳冊
而莫契昔西怨於東徂今北伐而南悲豈朝野

之恒情動萬乘之幽思歌零雨於幽風興採薇
於周詩慶金墉之凱定眷戎車之遷時佇千里
而感遠涉弦望而懷期詔微臣以勞問奉王命
於河湄夕飲餞以俶裝旦出宿而言辭歲旣晏
而繁慮日將邁而戀乖闕敬恭於桑梓謝履長
於庭階冒沈雲之掩藹迎素雪之紛霏凌結湍
而凝清風矜籟以揚哀情在本而易阜物雖末
而難懷眷余勤以就路苦憂來其城頽爾乃經
雉門啓浮梁眺鍾巖越查塘覽永嘉之柰維尋

建武之緝綱于時內慢神器外侮戎狄君子橫
流庶萌分析主晉有祀福祿來格明兩降覽三
七辭厄元誕德以膺緯肇回光於陽宅明思服
於下武興繼代以消逆簡文因心以秉道故冲
用而刑廢孝武捨已以仗賢亦寧外而治內觀
日化而就損庶雍熙之可對閔隆安之致寇傷
龜玉之毀碎漏妖凶於滄洲纏繫難而盈紀時
焉依於晉卿國有蹙於百里賴英謨之經營弘
兼濟以忘已主寰內而緩虞澄海外以漬澤至

如昏褻蔽景鼎祚傾基黍離有歎鴻禧無期瞻
天命之貞符乘順動而履機率駿民之恩効普
邦國而同歸盪積蠹之穢氛啓披陰之光暉反
平陵之杳藹復七廟之依稀務役簡而農勸每
勞賞而忠甄燹時雍於祖宗



掃

通醜於漢渚滌僭逆於岷山羈巢處於西木引
昇飲於源淵惠要襍而思遯援冠弁而求虔視
治城而非屬懷文獻之收揚匪元首之康哉孰
度肱之惟良譬觀曲而識節似綴組以成章業

彌纏而彌微事愈有而莫傷次石頭之雙岸究
孫氏之初基幸漢庶之漏網憑江介以抗維初
鵲起於富春果鯨躍於川湄匝三世而國盛歷
五僞而宗夷察成敗之相仍猶唇亡而齒寒載
十二而謂紀豈蜀滅而吳安衆咸昧於謀兆羊
獨悟於理端請廣武以誨情樹襄陽以作藩拾
建業其如遺沿萬里而誰難疾曾荒之諛辭惡
京陵之譖言責當朝之憚貶對曩籍而興歎敦
怙寵而判違敵旣勅而國圯彼問鼎而何階必

先賊於君子原性分之異託雖殊塗而歸美或
卷舒以愚智或治亂其如矢謝昧迹而託規卒
安身以全里周顯節而犯逆抱正情而喪已薄
四望而充眇歎王路之中鯁蝨于越之妖燼敢
凌蹈於五嶺崩雙嶽於中流擬凶威於荆郢隱
雷霆於帝坐飛芒鏃於宮省于時朝有遷都之
議人無守死之志師旅痛於久勤城墉闕於素
備安危勢在不侔衆寡形於見事於赫淵謀研
其神策緩轡待機追奔躡迹遇雷池而振曜次

彭蠡而藏滌穆京甸以清晏撤多壘而寧役造
白石之祠壇懟二豎之無君踐掖庭以幽辱凌
祧社而火焚愍文康之罪已嘉忠武之立勲道
有屈於災蝕功無謝於如仁訊落星之饗旅索
舊棲於吳餘迹階危而不見橫榛卉以荒除彼
生成之樂辰亦猶今之在余慨齊吟於爽鳩悲
唐歌於山樞弔僞孫於徐首率君臣以奉疆時
運師以伐罪偏授書於武王迄西北之落紐乏
東南以振綱誠鉅平之先覺實中興之後祥據

左史之攸徵胡影迹之可量過江乘而責始知
遇雄之無謀厭紫微之宏凱甘陵波而遠遊越
雲夢而南汧臨浙河而東浮穀連弩於川上候
蛟龍於中流爰薄方輿廼屆歐陽入夫江都之
域次乎廣陵之鄉易千里之曼曼沂江流之湯
湯滄赤圻以經復越二門而起漲眷北路以興
思看東山而怡目林叢薄路透迤石參差山盤
曲水激瀨而駿奔日映石而知旭審兼照之無
偏怨歸流之難濯爰輕鯢之涵泳觀翔鷗之落

啄在飛沈其順從顧微躬而緬邈於是抑懷蕩
慮揚權易難利涉以吉天險以艱于敵伊阻在
國斯便勾踐行霸於瑯邪夫差爭長於黃川葛
相發歎而思正曹后愧心於千魂登高堞以詳
覽知吳淠之衰盛戒東南之逆氣成劉后之駢
聖藉鹽鐵之殷阜臨淮楚之剽輕盛几杖而弭
心怒抵局而遂爭忿爰益之扶禍惜徒傷於家
令匪條侯之忠毅將七國之陵正褒漢藩之治
民並訪賢以招明侯文辯其誰在曰鄒陽與枚

生據忠辭於吳朝執義說於梁庭敷高才於鬼
園雖正言而免刑闕里旣已千載深儒流於末
學欽仲舒之粹容避縫掖於前蜀對園囿而不
闕下帷幙而論屬相端非之兩驕遭弘偃之雙
慝恨有道之無時步險塗以側足聞宣武之大
閱反師旅於此塵自皇運之都東始昌業以濟
難杭素旄於秦嶺揚朱旗於巴川懼帝系之墜
緒故黜昏而崇賢嘉收功以垂世嗟在嗣而覆
旃德非陟而繼宰疊踰禹其必顛造步兵而長

想欽太傅之遺武思嘉遁之餘風紹素履之落
緒民志應而願稅國屯難而思撫譬乘舟之待
楫象提釣之假縷總出入於和就兼仁用於默
語弘九流以標四維復先陵而清舊宇却西州
之成功指東山之歸予惜圖南之啓運恨鵬翼
之未舉發津潭而迥邁逗白馬以憇齡貫射陽
而望邗溝濟通淮而薄甬城城陂隄兮淮驚波
平原遠兮路交過而荒野兮悲橋梓遡急流兮
苦磧沙屢千里而無山緬百谷而有居被宿莽

以迷徑覩生煙而知墟

歐六字

謂信矣其可娛身

少長於樂土實長歎於荒餘

蘇軾詩

具瘁值

歲寒之窮節視曾雲之崔巍聆悲飈之掩屑彌

晝夜以滯滌怨凝陰之方結望新晴於落日起

明光於躋月眷轉蓬之辭根悼朔鴈之赴越披

微物而疚情此思心其可說問徭役其幾時駭

闕景於興沒感曰歸於采薇予來思於雨雪豈


初征之懼對冀鶴鳴之在埵

蘇軾詩

踰宿驚

吾楫於邳鄉奚車正以事夏虺左相以輔湯綿

三代而享邑厠踐土之一匡嗟仲幾之寵侮遂
捨存以徵亡喜薛宰之善對笑士彌之能綱升
曲垣之逶迤訪淮陰之所都原入跨之達恥俟
遭時以遠圖捨西楚以擇木追南漢以定謨亂
孟津而魏滅攀井經而趙祖播靈威於齊橫振
餘猛於龍且觀讓通而告節曷始智而終愚迄
沂上而停輅登高地而不進石幽期而知賢張
櫛景而示信本文成之素心要王子於雲何豈
無累於清霄直有槩於貞客始熙績於武關率

敷功於皇胤處夷險以解挫弘憂虞以時順稔
若華之翳畧哀飛驂之落駿傷粒食而興念眷
逸翮而思振戾臣山而東顧笑相公之前代嗟
殘虜之將糜熾餘姦於海濟驅貽稚於淮曲暴
鰥孤於泗澍託末命  雲冀靈武之北閔惟
授首之在晨當盛暑而選徒肅嚴威以振響漸
溫澤而沾腴旣雲撤於朐城遂席卷於齊都曩
四閩其奚阻道一變而是孚傷炎季之崩弛長
逆布以滔天假父子以至愛借兄弟以僞恩相

魏武以謫任宄謨奮於東藩桴未課於東郭身
已馘於樓門審貢牧於前說證所作於舊徐聆
泗川之浮磬菰夷水之蠙珠草漸苞於熾壤桐
振榦於嶧隅慨禹迹於尚世惠遺文於夏書紛
征邁之淹畱彌懷古於舊章商伯文於故服咸
徵名於彭殤眺靈壁之曾峰投呂縣之迅梁想
蹈水之行歌雖齊汨其何傷啓仲尼之嘉問告
性命以依方豈苟然於迂論聆寓言於達莊於
是濫石橋登戲臺策馬釣渚息轡城隅未感四

山零淚雙渠怨物華之推墜慨舟壑之遞遷謂
徂歲之悠濶結幽思之方根感皇祖之徽德爰
識冲而量淵降俊明以鏡鑑迴風猷以昭宣道
旣底於國難惠有覃於黎元士頌歌於政教民
謠詠於渥恩兼采芑之致美協漢廣之發言强
虎氏之搏翼瀾雲網於所禁驅黔萌以蘊崇取
園陵而湮沈錫殘落於河西序淪胥於漢陰攻
方城而折荷擾譙潁其誰任世闕才而貽亂時
得賢而興治救祖考之邦壤在幽人而在志體

飛書之遠情悟犒師之通識追明達之高覽契
古今而同事拔淵謨於潛機騁神鋒於雲旆驅
斥澤而風靡蹙坑谷而鳥竄中華免夫左衽江
表此焉緩帶旣剋黜於肥六又作鎮於彭沛晏
皇塗於國內震天威於河外掃東齊而已寧指
西嶠而將泰值秉均而代謝實大業之興廢心
無忝於樂生事有像於燕惠抱明哲之不伐奉
宏勲而是稅捐七州以爰來歸五湖以投袂屈
盛績於平生申遠期於暮歲訪曩載於宋鄙採

陽秋於晉經晉申好於東吳鄭憑威於南荆故
友師於曹門將以塞於夷庚納五叛以長寇伐
三邑以侵彭美西鉏之忠辭快韓厥之奇兵追
項王之故臺迹霸楚之遺端挺宏志於總角奮
英勢於弱冠氣蓋天而倒日力拔山而傾湍始
躡起於勾越中電激於衡關興偏慮於攸吝忘
卽易於所難忌陳錦而莫照思反鄉而有歎且
夫殺義害嬰而慢豐疑縲賢不策失位誰持迨
理屈而愈閉方怨天而懷悲對駿騅以發憤傷

虞殊於末調陟亞父之故營諒謀始之非託遭
衰靡之崩綱值威炎之結絡迄俯首於阜陵猶
謬覺於然諾視一人於三傑豈在已之庸弱置
豐沛而不舉故自同於俎饌發卞口而游歷迄
西山而弭轡觀終古之幽憤懷元王之冲粹丁
戰國之權爭方括心於道肆學浮丘以就德友
三儒以成類潔流始於初源累仁基於前美撥
楚族之休甃傳芳素於來祀彊見譽於清虛德
致稱於千里或避寵以辭姻或遺榮而不仕政

直言以安身駿絕才以喪已驅箠道之成終表
昧世之虧始悟介焉之已幾則不俟於終日旣
防萌於未著雖念德其何益爾乃孟陬發節雷
隱蟄驚散葉莢柯芳蔭備萌麥萋萋於旄丘柳
依依於高城相睢鳩之集河觀鳴鹿之食苹沂
泗遠兮清川急秋冬近兮緒風襲風流蕙兮水
增瀾謫愁衿兮鑑戚顏愁盈根而蘊際戚發條
而成端嗟我行之彌日待征邁而言旋荷慶雲
之優渥周雙七於此季陶逸豫於京甸違險難

於行川轉歸弦而眷戀望脩檣而流漣願關鄴
之遄清遲華鑾之飢旋穆淳風於六合溥洪澤
於八埏頒賢愚於大小順規矩於方圓固四民
之獲所宜稅稷於萊田苦邯鄲之難步履行迷
之易痊長守朴以終稔亦拙者之政焉

謝康樂集卷之三

宋陳郡謝靈運客兒著

明閩漳張燮紹和纂

賦

歸塗賦

昔文章之士多作行旅賦或欣在觀國或怵在
斥徙或述職邦邑或羈役戎陳事由于外興不
自己雖高才可推求懷未愜今量分告退反身
草澤經塗履運用感其心賦曰

承百世之慶靈遇千載之優渥匪康衢之難踐
諒跬步之易局踐寒暑以推換春桑梓以紉邈
褫簪帶于窮城反巾褐下空谷果歸期于願言
獲素念于思樂于是舟人告辦佇楫在川觀鳥
候風望景測圓背海向溪乘潮傍山悽悽送歸
悠悠告旋時旻秋之杪節天旣高而物衰雲上
騰而鴈翔霜下淪而草腓拾陰漠之舊浦去陽
景之芳蕤林乘風而飄落水鑒月而含輝發青
田之枉渚逗白岸之空亭路威夷而詭狀山側


背而異形停余舟而淹留搜縉雲之遺迹漾百
里之清潭見千仞之孤石歷古今而長在經歲
衰而不易

羅浮山賦

客夜夢見延陵茅山在京之東南明旦得洞經
所載羅浮山事云茅山是洞庭口南通羅浮正
與夢中意相會遂感而作羅浮山賦曰

若廼茅公之說神化是悉數非億度道單悒悒
洞四有九此惟其七潛夜隱輝幽境朗日故曰
朱明之陽宮耀真之陰室洞穴之寶衢海靈之
雲術伊離情之易結諒沉念之羅浮發潛夢於
永夜若遡波而乘桴越扶嶼之細漲上增龍之

合流鼓蘭柅以水宿杖桂策以山遊



嶺表賦

若乃長山欵跨外內乖隔下無伏流上無夷跡
麋鹿望闕而旋歸鴻鴈覩峰而返翮旣陟麓而
踐坂遂升降于山畔顧後路之傾巘馳前磴之
絕岬看朝雲之抱岫聽夕流之注澗羅石碁布
怪譎橫越非山非阜如樓如闕班采類繡明白
若月蘿蔓絕攀苔衣流滑

怨曉月賦

卧洞房兮當何悅
滅華燭兮弄曉月
昨三五兮既滿
今二八兮將缺
浮雲褰兮收泛灑
明舒照兮殊皎潔
墀除兮鏡鑑房
櫳兮澄澈

長谿賦

潭結綠而澄清瀨揚白而載華飛急聲之瑟汨
散輕文之漣羅始鏡底以如玉終積所而成沙

江妃賦

招魂定情洛神清思覃襲自之敷陳盡古來之
妍媚矧今日之逢迥邁前世之靈異姿非定容
嚴無常度兩宜歡頤俱適華素于時升月隱山
落日映鰲波霞斂色迴飈拂渚每馳情于晨暮
矧良遇之莫叙投明珥以申贈鯁色授而魂與
沈分湘岬延情蒼陰隔山川之表裏判天地之
浮沉承嘉約于往昔寧更貳于在今儻借訪于
交甫知斯言之可譏蘭音未吐紅顏若曉留態

光溢動袂芳菲散雲纒之絡繹按靈輜而徘徊
建羽旌而逶迤奏清管之依微慮一別之長絕
眇天末而永違

又江妃賦

小腰微竹朱衣皓齒綿視騰來靡容賦理嗟佳
人之眇邁睡霄際而皓語懼展愛之末期抑傾
念而蹇佇天台二娥宮亭雙媛青桂神接紫衣
形見或飄飏凌煙或潛泳浮海萬里俄頃寸陰
未改事雖假於雲物心常得於無待

入道至人賦

爰有名外之至人乃入道而館真荒聰明以割
智遁支體以逃身於是上居千仞左右窮懸幽
庭虛絕荒帳成煙水縱橫以觸石日參差於雲
中飛英明於對溜積氤氲而爲峰推天地於一
物橫四海於寸心超埃塵以貞觀何落落此胸
襟

逸民賦

于天唯舍唯用其見也則如游龍其潛也
則如隱鳳來無所從去無所至有酒則舞無酒
則醒不明不晦不昧不貞蕭條秋首歲蕤春中
弄琴明月酌酒和風御清風以遠路拂白雲而
峻舉指寰中以爲期望繫外而延佇

辭祿賦

荷賞延之渥恩在弱齡而覃惠蒙聖達之眷顧
得乘閒以沈泄雖鑣羈之有名恒遊獎而匪滯
解龜紐於城邑反褐衣於丘窟煩人事於一朝
與世物乎長絕自牽綴於朱絲奄二九於斯年
服纓佩於兩官執鞭笏於筆蕃

感時賦

夫逝物之感有生所同頽年致悲時懼其速豈
能忘懷廼作斯賦

相物類以迨已閔交臂之匪賒揆大耋之或邁
指崦嵫于西河鑒三命于予躬怛行年之蹉跎
于鶉鴒之先號挹芬芳而夙過微靈芝之頻秀
迫朝露其如何雖發嘆之早晏諒大暮之同科

孝感賦

舉高檣于楊潭眇投迹于袁州貫廬江之長路
出彭蠡而南浮于時月孟節季歲亦告暨離鄉
脊壤改時懷氣戀丘墳而縈心憶桑梓而零淚
孟積雪而抽筍王斷冰以鱸鮮莢柔葉于枯木
起春波于寒川顧微心之庸褊謝精靈于昭晰
擁永慕而莫從曾遐感而靡徹

傷已賦

嗟夫下賞珍于連城孫別駿於千里彼珍駿以
貽愛此陋容其敢擬丁曠代之渥惠遭謬眷于
君子晬徂歲之驟經覩芳春之每始始春芳而
羨物終歲徂而感已貌憔悴以衰形意幽翳而
苦心出衾裯而載坐闌褱幌以廻臨望步檐而
周流馳幽閨之清陰想輕綦之往跡餐和聲之
餘音播芬煙而不燠張明鏡而不照歌白華之
絕曲奏蒲生之促調

謝康樂集卷之四

宋陳郡謝靈運客兒著

明閩漳張熒紹和纂

樂府

善哉行

以下四言

陽谷躍升虞淵引落景曜東隅晚西薄三春
燠敷九秋蕭索涼來溫謝寒往暑却居德斯願
積善嬉謔陰濯陽叢凋華墮萼歡去易慘悲至
難鏢擊節

樂府作
激涕

當歌對酒當酌鄙哉愚人戚

咸懷瘼善哉達士潛潛處樂

隴西行

昔在老子至理成篇柱小傾大綆短絕泉鳥之
棲遊林檀是閑韶樂平膽豈伊攸便胡爲乖在
從表方圓耿耿僚志慊慊丘園善歌以咏言理
成篇

日出東南隅行

以下
五言

柏梁冠南山桂宮耀北泉晨風拂幃幌朝日照
閨軒美人卧屏席懷蘭秀瑤璠皎潔秋松氣淑

德春景暄

長歌行

倏燦夕星流
昱奕朝露團
粲粲鳥有停
泫泫豈暫安
徂齡速飛電
頽節驚驚湔
覽物起悲緒
顧已識憂端
朽貌改鮮色
悴容變柔顏
變改苟催促
容色烏盤桓
疊疊衰期迫
靡靡壯志闌
旣慙臧孫慨
復愧揚子歎
寸陰果有逝
尺素竟無觀
幸賒道念戚
且取長歌歡

苦寒行

歲歲層冰合紛紛霰雪落浮陽
滅清暉寒禽叫悲壑饑爨煙不興
渴吸水枯涸

又

樵蘇無風飲鑿冰
炎朝飡悲矣採薇唱苦哉有餘酸

豫章行

短生旅長世恒覺白日欹
覽鏡睨顏容華顏豈久期苟無迴
戈術坐觀落崦嵫

相逢行

樂府作惠連今從藝文作靈運

行行卽長道道長息班草邂逅賞心人與我傾

懷抱夷世信難值憂來傷人平生不可保一陽解

華與春渥陰柯長秋稿心慨榮去速情苦憂來

早日華難久居憂來傷人諄諄亦至老二親黨解

近卹庇昵君不常好九族悲素霞三良怨黃鳥

邇生白卹頽憂來傷人近縞潔必造三水流理解

就濕火炎同歸燥賞契少能諧斷金斷可寶千

計莫適從憂來傷人萬端信紛繞四巢林宜擇解

木結友使心曉心曉形迹略略邇誰能了相逢

言
既若舊憂來傷人片言代紆縞

五解

折楊柳行二首

鬱鬱河邊樹青青野田草含我故鄉客將適萬
里道妻妾牽衣袂拭淚沾懷抱還拊幼童子顧
托兄與嫂辭訣未及終嚴駕一何早負竿引文
舟飢渴常不飽誰令爾貧賤咨嗟何所道

騷屑出穴風揮霍見日雪颼颼無久搖皎皎幾
時潔未覺泮春冰已復謝秋節空對尺素遷獨
視寸陰滅否桑未易繫泰茅難重拔桑茅迭生

運語默寄前哲

泰山吟

岱宗秀維岳崔萃刺雲天
峯嶸旣嶮巖巖觸石輒
芊綿登封瘞崇壇降禪藏
肅然石間何崦藹明
堂祕靈篇

君子有所思行

總駕越鍾陵還顧望京畿
躑躅周名都遊目倦

一作

忘歸市鄺無阨

一作

室世族有高闔密親

麗華苑軒甍飭通達孰是金張樂諒由燕趙詩

長夜恣酣飲窮年弄音徽盛往速露墜衰來疾
風飛餘生不歡娛何以竟暮歸寂寥曲肱子瓢
飲療朝饑所秉自天性貧富豈相譏

悲哉行

陸士衡集亦載此詩
誤也陸別有一首

萋萋春草生王孫遊有情差池鶯始飛天裊桃

一作柳非始榮灼灼桃悅色飛飛燕弄聲檐上雲結

陰澗下風吹清幽樹雖改觀終始在初生松蒿

歡蔓延樛葛欣蘩縈眇然遊宦子晤言時未弁

鼻感改朔氣眼

一作心

傷變節榮佗祭豈徒然澶

一作
漫絕音形風來不可托鳥去豈爲聽

會吟行

六引緩清唱三調佇繁音列筵皆靜寂咸其聆
會吟會吟自有初請從文命敷敷績壺冀始刊
木至江汜列宿炳天文負海橫地理連峰競千
仞背流各百里澎湃漑稷稻輕雲暖松杞兩京
愧佳麗三都豈能似層臺指中天高墉積崇雉
飛燕躍廣途鷁首戲清沚肆呈窈窕容五臣路
曜姬媚子自來彌世代賢達不可紀勾踐善廢

興越叟識行止范蠡出江湖梅福入城市東方
就旅逸梁鴻去桑梓牽綴書土風辭殫意未已

緩歌行

飛客結靈友凌空翠丹丘習習和風起采采彤

雲浮

一作流

娥皇發湘浦霄明出河洲宛宛連螭

轡齋齋振龍旒

一作輶

燕歌行

七言

孟冬初寒節氣成悲風入閨霜依庭秋蟬噪柳

燕辭

樂府作樓

楹念君行役怨邊城君何崎嶇久徂

征豈無膏沐感鶴鳴對君不樂淚沾纓闌窓開
幌弄秦箏調絃促柱多哀聲遙夜明月鑒帷屏
誰知河漢淺且清展轉思服悲明星

鞠歌行

以下
雜言

德不孤兮必有鄰唱和之契冥相因譬如虬虎
兮來風雲亦如形聲影響陳心歡賞兮歲易淪
隱玉藏彩疇識真叔牙顯夷吾親郢旣歿匠寢
斤覽古籍信伊人永言知己感良辰

順東西門行

出西門眺雲間揮斤扶木墜虞泉信道人鑒徂
川思樂暫捨誓不旋閔九九傷牛山宿心載違
徒昔言競落運務頽年招命儕好相追牽酌芳
醑奏繁絃惜寸陰情固然

上畱田行

薄遊出彼東道上畱田薄遊出彼東道上畱田
循聽一何蠹蠹上畱田澄川一何皎皎上畱田
悠哉過矣征夫上畱田悠哉過矣征夫上畱田
兩服上阪電遊景作雷逝上畱田舫舟下遊颺驅上

留田此別既久無適上留田此別既久無適上
留田寸心繫在萬里上留田尺素遵此千夕上
留田秋冬迭相去就上留田素雪紛紛鶴委上
留田清風颼颼入袖上留田歲云暮矣增憂上
留田歲云暮矣增憂上留田誠知運來詎抑上
留田熟視年往莫留上留田

詩

三月三日侍宴西池詩

四言

詳觀記牒鴻荒莫傳降及雲鳥曰聖則天虞承
唐命周襲商艱江之永矣皇心惟眷矧乃暮春
時物芳衍濫觴逶迤周流蘭殿禮備朝容樂闋
夕宴

述祖德詩二首

以下
五言

序曰大元中王父龕定淮南負荷世業專主
隆人逮賢相徂謝君子道消拂衣蕃岳考十

東山事同樂生之時志期范蠡之舉

達人貴自我高情屬天雲兼抱濟物性而不纓
垢氛段生藩魏國展季救魯人弦高犒贈師仲
連却秦軍臨組乍不縶對珪寧肯分惠物辭所
賞勵志故絕人苕苕歷千載遙遙播清塵清塵
竟誰嗣明哲垂選作時經綸委講輟道論改服康
世屯屯難旣云康尊主隆斯民

中原昔喪亂喪亂豈解已崩騰永嘉末逼迫太
元始河外無及正江介有蹶圯萬邦咸震懾橫

流賴君子拯溺由道情僊暴資神理秦趙欣來
蘇燕魏遲文軌賢相謝世運遠圖因事止高揖
七州外拂衣五湖裏隨山疏濬潭傍巖藝紛梓
遺情捨塵物貞觀丘壑笑

九日從宋公戲馬臺集送孔令

季秋邊朔苦旅鴈違霜雪淒淒陽卉腓皎皎寒
潭絜同潔良辰感聖心雲旗興暮節鳴葭戾朱宮

蘭卮獻時哲餞宴光有孚和樂隆所缺在宥天
下理吹萬羣方悅歸客遂海隅脫冠謝朝列弭

棹薄枉渚指景待樂闕河流有急濶浮驂無緩
轍豈伊川途念宿心愧將別彼美丘園道喟焉
傷薄劣

從遊京口北固應詔

玉璽戒誠信黃屋示崇高事爲名教用道以神
理超昔聞汾水遊今見塵外鑣鳴笳發春渚稅
鑿登山椒張組眺倒景列筵囑歸潮遠巖映蘭
薄白日麗江臯原隰萋綠柳墟圻散紅桃皇心
美陽澤萬象咸光昭顧已枉維繫撫志慙場苗

工拙各所宜終以反林巢曾是縈舊想覽物奏
長謠

永初三年七月十六日之郡初發都

述職期闌暑理棹變金素秋岸澄夕陰火旻團
朝露辛苦誰爲情遊子值頽暮愛似莊念昔久
敬曾存故如何懷土心持此謝遠度李牧愧長
袖卻克慙躡步良時不見遺醜狀不成惡曰余
亦支離依方早有慕生幸休明世親蒙英達顧
空班趙氏璧徒乖魏王瓠從來漸二紀始得傍

歸路將窮山海迹永絕賞心悟

鄰里相送至方山

祗役出皇邑相期憇甌越解纜及流潮懷舊不能發析析就衰林皎皎明秋月含情易爲盈遇物難可敬積痾謝生慮寡慾罕所闕資此永幽棲豈伊年歲別各勉日新志音塵慰寂蔑

過始寧墅

束髮懷耿介逐物遂推遷違志似如昨二紀及茲年緇磷謝清曠疲薺慙貞堅拙疾相倚薄還

得靜者便剖竹守滄海
枉帆過舊山山行窮登
頓水涉盡洄沿巖峭嶺稠疊洲縈渚連綿白雲
抱幽石綠篠媚清漣葺宇臨迴江築觀基曾巔
揮手告鄉曲二載期歸旋且爲樹枌檟無令孤
願言

富春渚

宵濟漁浦潭旦及富春郭
定山緬雲霧赤亭無淹薄
遡流觸驚急臨圻阻參錯
亮乏伯昏分險過呂梁壑
洊至宜便習兼山貴止託
平生協幽

期淪躋困微弱久露干祿請始果遠遊諾宿心
漸申寫萬事俱零落懷抱旣昭曠外物徒龍蠖

七里瀨

羈心積秋晨晨積展遊眺孤客傷逝湍徒旅苦
奔峭石淺水潺湲日落山照曜荒林紛沃若哀
禽相叫嘯遭物悼遷斥存期得要妙旣乘上皇
心五臣作情豈屑末代諠目覩嚴子瀨想屬任公釣
誰謂古今殊異代可同調

晚出西射堂

步出西城門遙望城西岑連障疊巘靨青翠杳
深沈曉霜楓葉丹夕曛嵐氣陰節往感不淺感
來念已深羈雌戀舊侶迷鳥懷故林含情尙勞
愛如何離賞心撫鏡華緇鬢攬帶緩促衿安排
徒空言幽獨賴鳴琴

登池上樓

潛虬媚幽姿飛鴻響遠音薄霄愧雲浮棲川作
淵沈進德智所拙退耕力不任徇祿友窮海卧
疴對空林衾枕昧節候褰開暫窺臨傾耳聆波

瀾舉目眺嶇嶽初景革緒風新陽改故陰池塘
生春草園柳變鳴禽和和傷幽歌萋萋感楚吟
索居易永久離羣難處心持操豈獨古無悶徵
在今

遊南亭

時竟夕澄霽雲歸日西馳密林含餘清遠峰隱
半規久痾昏墊苦旅館眺郊岐澤蘭漸被徑芙
蓉始發池未厭青春好已觀朱明移戚戚感物
歎星星白髮垂藥餌情所止衰疾忽在斯逝將

候秋水息景偃舊崖我志誰與亮賞心惟良知

遊赤石進帆海

首夏猶清和芳草亦未歇
水宿淹晨暮陰霞屢興沒
周覽倦瀛壖況乃凌窮髮
川后時安流天吳靜不發
揚帆採石華掛席拾海月
溟漲無端倪虛舟有超越
仲連輕齊組子牟眷魏闕
矜名道不足適已物可忽
請附任公言終然謝天伐

登江中孤嶼

江南倦歷覽江北曠周旋
懷新道轉迥尋異景

不延亂流趨正絕

五臣作孤嶼

媚中川雲日相

輝映空水共澄鮮表靈物莫賞蘊真誰爲傳想

像崑山姿緬邈區中緣始信安期術得盡養生
年

登永嘉綠嶂山詩

裹糧杖輕策懷遲上幽室行源逕轉遠距陸情
未畢澹瀨結寒姿團欒潤霜質潤委水屢迷秣
迴巖逾密眷西謂初月顧東疑落日踐一作殘
奄昏曙蔽翳皆周悉蠱上貴不事履二笑貞

幽人常坦步高尙邈難匹願阿竟何端寂寂寄
抱一恬如旣已交縉性自此出

荆東山望溟海詩

開春獻初歲白日出悠悠蕩志將愉樂瞰海庶
忘憂策馬步蘭皋縹控息椒丘采蕙避大薄蹇
若履長洲白花鰲陽林紫鷲一作翹曄春流非徒

不弭忘覽物情彌適萱蘇始無慰寂寞終可求

遊嶺門山詩

西京誰脩政龔汲稱良吏君子豈定所清塵慮

不嗣早蒞建德鄉民懷虞芮意海岸常寥寥空
館盈清思協以上冬月晨遊肆所喜千圻邈不
同萬嶺狀皆異威摧三山峭漣湘南江駛魚舟
一作商豈安流樵拾謝西比人生誰云樂貴不屈
所志

石室山詩

清旦索幽異放舟越垌郊葳蕤蘭渚急藐藐苔
嶺高石室冠林坻飛泉發山椒虛泛徑千載崢
嶸非一朝鄉村絕聞見樵蘇限風霄微戎無遠

覽總筭筭升喬靈域久韜隱如與心賞交合歡
不容言摘芳弄寒條

登上戍石鼓山詩

旅人心長久憂憂自相接故鄉路遙遠川陸不
可涉汨汨莫與娛發春托登躡歡願旣無病戚
慮庶有恊怯一作極目睽左澗迴顧眺右狹日末

澗增波雲生嶺逾疊白芷競新苔綠蘋齊初葉
摘芳芳靡諼樂樂不變佳期緬無像騁望誰

云慙

行田登海口盤嶼山

羈苦孰云慰觀海藉朝風莫辨洪波極誰知大
壑東依稀採菱歌彷彿含嚬容遨遊碧沙渚遊
衍丹山峯

白石巖下徑行田

小邑居易貧災年民無生知淺懼不周愛深憂
在情舊業橫海外蕪穢積頽齡饑饉不可久甘
心務經營千頃帶遠堤萬里瀉長汀洲流涓澮
合連統塋埒弁雖非楚宮化荒闕亦黎明雖非

鄭白渠每歲望東京天鑒儻不孤來茲驗微誠

齋中讀書

昔余遊京華未嘗廢丘壑別乃歸山川心跡雙
寂寞虛館絕諍訟空庭來鳥雀卧疾豐暇豫翰
墨時閒作懷抱觀古今寢食展戲謔旣笑沮溺
苦又哂子雲閤執戟亦以疲耕稼豈云樂萬事
難並歡達生幸可託

命學士講詩

卧病同淮陽宰邑曠武城弦歌愧言子清淨謝

伏生古人不可攀何以報恩榮時往歲易周聿
來政無成曾是展予心招學講羣經鑠金旣云
刃凝土亦能型望爾志尙隆遠嗣竹箭聲敢謂
荀氏訓且布一作有蘭陵情待罪豈久期禮樂俟
賢明

種桑詩

詩人陳條柯亦有美懷別前脩爲誰故後事資
紡績常佩知方誠愧微富教益浮陽鶩嘉月藝
桑迨閒隙踈欄發近郭長行達廣場壙流始盛